


CYNGOR TREF PORTHMADOG



COFNODION CYFARFOD ARBENNIG PWYLLGOR EIDDO A DATBLYGU 7 yh nos Fercher Medi 18 2024

E1.9.24 Presennol :- Cynghorwyr :- Aled Griffith (Cadeirydd), John Gwynedd Robert (Is- Gadeirydd), Gwilym Jones, Alwyn Gruffydd, Marian Roberts (Clerc)

Absennol : Cyng Dr Melfyn Edwards, Cyng Michael Roberts

E2.9.24 Ymddiheuriadau :- Cyng Carol Hayes, Cyng Trefor Jones

E3.9.24 Cae Bodawen - Penderfynu ar offer chwarae newydd i Gae Bodawen ar gais National Grid fydd yn ariannu'r pryniant.

Roedd y Clerc wedi derbyn amcangyfrif gan gwmni G.L.Jones am offer chwarae newydd "like for like" ar gyfer Cae Chwarae Bodawen er mwyn trosglwyddo'r wybodaeth i National Grid gan mai nhw fyddai'n talu am yr offer newydd.

Cyfanswm yr amcangyfrif oedd £81,630.00 ond cytunwyd y byddai'r pris yma wedi codi'n sylweddol erbyn 2028 pan fydd y gwaith gosod ceblau wedi gorffen a'r tir wedi ei baratoi ar gyfer gosod offer newydd.

Cytunwyd y dylid awygrymu amcangyfrif o £150k i sicrhau bod yr offer yn cael ei osod a'r llwybrau ac ati wedi eu dychwelyd i'w cyflwr gwreiddiol.

Penderfynwyd :- y Clerc i ddyfynnu'r pris o £150k i National Grid ac i holi am y posibilrwydd o'r Cyngor Tref gael ei ddiogolledu am yr amser pan na fydd y cae chwarae ar gael i blant a thriolion Porthmadog.

E4.9.24 Bwrdd gwybodaeth Madocks - Penderfynu ar gynnig Ffion Gwyn i barhau â'r prosiect

Penderfynwyd :- y Clerc i gysylltu'n ôl efo Ffion Gwyn i ddweud wrthi am fwrw 'mlaen gyda'r prosiect a manylu y dylai'r bwrdd gwybodaeth gynnwys hanes Madocks; y Cob; Boston Lodge a phwysigrwydd y diwydiant llechi.

Cofnodion Cyfarfod Arbennig Pwyllgor Cyllid ac Amcanion Cyffredinol 7 yh nos Fercher Medi 18 2024

C1.9.24 Presennol :- Cynghorwyr :- Aled Griffith (Cadeirydd), John Gwynedd Robert (Is- Gadeirydd), Gwilym Jones, Alwyn Gruffydd, Marian Roberts (Clerc)

Absennol : Cyng Dr Melfyn Edwards, Cyng Michael Roberts

C2.9.24 Ymddiheuriadau :- Cyng Carol Hayes, Cyng Trefor Jones

C3.9.24 Diweddariad ar sefyllfa prynu coed Nadolig

Yn dilyn derbyn y newyddion drwg fod canolfan goed Glasfryn yn methu darparu coed Nadolig eleni a bod y busnes yn cau ar 22.11.24 cafwyd gwybod gan y Clerc ei bod wedi sicrhau darparwr arall ar gyfer y coed Nadolig a'i bod wedi trefnu cludiant iddynt fel y byddant yn cyrraedd depot Cyngor Gwynedd Llyn Bach erbyn 21.11.24 er mwyn eu gosod yn eu lle ar 22.11.24. Mae'r Clerc hefyd wedi trefnu Sion Corn, Mrs Corn ; Band yr Oakeley i ganu carolau. Bydd y Ganolfan yn darparu ffilm a lluniaeth yn y neuadd fawr.

Penderfynwyd :- bwrw ymlaen efo'r trefniadau a gofyn i Medi Harris a Gwyn Vaughn (Arthur yn Rownd a Rownd) i ddod i oleuo'r goleuadau ar 29.11.24.

Daeth y cyfarfod i ben am 20.00.

Marian Roberts (Clerc)

19.9.24

DRAFT